



Graubündner Kantonaler Musikverband  
Federazione Bandistica Grigionese  
Uniun Chantunala da Musica dal Grischun

# **Statuts da l'Uniun chantunala da musica dal Grischun**

## **Statuten des Graubündner Kantonalen Musikverbandes**

## **Statuto della Federazione bandistica grigionese**

**2023**

fundada ils 27 da schaner 1901

# Statuts

## da l'Uniun chantunala da musica dal Grischun

Per l'Uniun chantunala da musica dal Grischun sa chapeschi da sasez che tut las funcziuns pon vegnir exequidas tant dad umens sco era da dunnas. En il senn da l'unitad linguistica applitgain nus en ils statuts la furma masculina.

### I. Num, sedia ed intent

Num e sedia	<b>Artitgel 1</b> L'Uniun chantunala da musica dal Grischun, numnada en il sequent UCMG, è in'uniun organisada a moda corporativa en il senn da l'art. 60 ss dal Cudesch civil svizzer. Sia sedia sco era la dretgira cumpetenta sa chattan al lieu da domicil respectiv dal president chantunal. L'UCMG è politicamain e confessionalmain neutrala.
Onn da gestiun	Sco onn da gestiun vala l'onn chalendar.
Structura da l'uniun	<b>Artitgel 2</b> L'UCMG cumpiglia tut las societads da musica instrumentala e las societads da musica da giuvenils da noss chantun che sa suttamettan als statuts preschents.  Sias societads vegnan attribuidas als suandants districts:
District I	Bregaglia, Engiadina, Val Müstair e Val Poschiavo
District II	Tschintg Vitgs, Signuradi, circol da Tavau e Partenz
District III	Calanca, Plaun, Grischun Central, Mesauc e Plessur
District IV	Surselva
Districts da musica	2.1 Ils districts da musica èn ils represchentants directs da lur societads en la suprastanza chantunala e gidan quella ad ademplir l'intent, las finamiras e las incumbensas da l'uniun;  2.2 Ils districts da musica èn autonomi en in sector spezial, sch'ils statuts chantunals na reglan betg definitivamain quest sector, mabain surlaschan als districts d'al reglar parzialmain u dal tuttalfatg e concedan ad els ina libertad da decider relativamain gronda;  2.3 En il rom da lur autonomia èn ils districts da musica libers en dumondas da la legislaziun e da l'administraziun;  2.4 Ils statuts dals districts da musica ston vegnir approvads da la suprastanza chantunala;  2.5 Ina da las pli impurtantas incumbensas dals districts da musica è d'organisar las festas districtualas da musica cun agens reglaments.
Finamiras	<b>Artitgel 3</b> L'UCMG ha las suandantas finamiras:  3.1 promover e tgirar la musica instrumentala sco era mantegnair e represchentar ils interess cuminaivels;  3.2 gidar las societads commembras ad ademplir lur incumbensas;  3.3 svegliar l'interess e l'entusiassem da la giuventetgna per la musica instrumentala sco era promover e sustegnair tenor pussaivladad lur scolaziun;

- 3.4 promover la scolaziun al trumbettist e tambur militar e s'engaschar per la musica militara;
- 3.5 tgirar bunas relaziuns cun autras uniuns chantunalas;
- 3.6 undrar ils merits dals musicants e promover lur contacts.

#### **Artitgel 4**

Intent

L'uniun vul cuntanscher sias finamiras cun:

- 4.1 organisar e realisar curs per dirigents e curs instrumentals tenor las directivas da l'Uniun svizra da musica (USM);
- 4.2 realisar activitads da tut gener a favur da la scolaziun e dal perfecziunament sco era promover la musica instrumentala;
- 4.3 promover ils contacts tranter ils quatter districts da musica e las societads da l'uniun;
- 4.4 surdar l'organisaziun d'ina Festa chantunala da musica, che ha lieu per regla mintga tschintg onns, tenor il reglament da festa e da la musica da parada;
- 4.5 surdar l'organisaziun d'ina Festa chantunala da musica da giuvenils che ha lieu periodicamain;
- 4.6 collavurar cun las medias;
- 4.7 surdar ils pass da musicist e las distincziuns dals veterans, e realisar onraziuns da veterans;
- 4.8 tgirar l'archiv.

## **II. Commembranza**

#### **Artitgel 5**

Pussaivladad da daventar commember

Commembra da l'UCMG po daventar mintga societad da musica e mintga societad da musica da giuvenils dal chantun Grischun.

Mintga societad da l'uniun è a medem temp era commembra da l'USM cun ils dretgs e las obligaziuns correspudentas.

#### **Artitgel 6**

Procedura da recepziun

Ina societad po vegnir recepida a basa d'ina dumonda d'entrada ch'è da drizzar al president chantunal. A la dumonda èsi d'aggiuntar ils statuts da la societad ed il dumber da commembers. Davart la recepziun decida la suprastanza chantunala.

#### **Artitgel 7**

Decisiun da recepziun

La recepziun en l'UCMG vegn communitgada en scrit a la societad petenta. Cun la recepziun en l'UCMG cumenzan ils dretgs e las obligaziuns d'ina commembranza.

#### **Artitgel 8**

Extrada

L'extrada da l'UCMG succeda cun ina comunicaziun en scrit al president chantunal. In'extrada è pussaivla mo per la fin da l'onn. A la comunicaziun èsi d'aggiuntar in protocol davart la decisiun da la societad.

Sch'ina societad banduna l'UCMG, perda ella sia colliaziun cun l'USM..

**Artitgel 9**  
Exclusiun Societads che n'adempleschan betg lur obligaziuns u fan donn a la reputaziun da l'UCMG cun lur cumportament, po la radunanza da delegads excluder da l'UCMG, sin proposta da la suprastanza chantunala.

**Artitgel 10**  
Obligaziuns Mintga commembra da l'uniun è obligada da:

- 10.1 sustegnair tenor sias pussaivladads las finamiras e l'intent da l'UCMG e da resguardar las prescripziuns dals statuts e reglaments sco era las decisiuns da la suprastanza e da la radunanza da delegads;
- 10.2 participar a las radunanzas da delegads;
- 10.3 pagar las contribuziuns annualas a l'UCMG, a la SUIVA ed eventualas ulteriuras contribuziuns decididas da la radunanza da delegads;
- 10.4 retrair e pagar il dumber d'exemplars obligatorics da la revista «Unisono»;
- 10.5 registrar entaifer il termin tut ils commembers en la software da l'associaziun USM "Hitobito", tenor las prescripziuns da l'UCMG e da l'USM.

**Artitgel 11**  
Dretgs Mintga societad da l'uniun ha il dretg da votar e d'eleger a la radunanza da delegads tenor l'art. 19. Mintga societad da l'uniun sco era mintga district da musica ha in dretg da proposta a la radunanza da delegads.

**Artitgel 12**  
Nominaziun da veterans Commembers ch'èn stads activs durant 25 onns en ina u pliras societad(s) da musica instrumentala, vegnan nominads sco veterans da l'UCMG.

Suenter ina commembranza activa da 35 onns vegnan els nominads sco veterans federals da l'USM.

Sco veterans d'onur chantunals vegnan undrads musicants ch'èn dapi 50 onns activs en ina societad da musica instrumentala.

Sco veterans da l'Uniun internaziunala da musica (CISM) vegnan undrads musicants ch'èn dapi 60 onns activs en ina societad da musica instrumentala.

Sco veterans d'onur federals da l'USM vegnan undrads musicants ch'èn dapi 70 onns activs en ina societad da musica instrumentala.

La vegliadetgna d'entrada per la nominaziun al veteran n'è betg limitada. Decisiva è la cumprova da l'activitad musicala en in pajais reconuschì da la CISM. En Svizra è quai l'inscripziun en il pass da musicist. En pli valan il reglament da veterans da l'uniun chantunala e las disposiziuns dal reglament davart ils veterans da l'USM.

Ils veterans vegnan undrads a chaschun d'ina Festa chantunala da musica u d'ina Festa districtuala da musica. Sch'ina tala occurrenza na vegn betg organisada, decida la suprastanza il lieu d'undraziun dals veterans per ils singuls districts da musica.

**Artitgel 13**  
Annunzia dals veterans Las societads annunzian al secretariat entaifer il termin fixà da l'onn precedent ils veterans ch'èn d'undrar.  
Ils veterans survegnan ina distincziun en furma d'ina medaglia. Ils veterans da la CISM ed ils veterans d'onur federals survegnan en pli in document.

Undraziun dals dirigents	<b>Artitgel 14</b> Dirigents cun in'activitad da diriger da 20 onns survegnan in document. Ina proposta per l'undraziun sco er in curt palmarès èn d'inoltrar al secretariat da la societad pertutgada.
Commembers d'onur	<b>Artitgel 15</b> Sin proposta da la suprastanza chantunala po la radunanza da delegads nominar commembers da la suprastanza e da cumissiuns cun merits extraordinaris a favur da la musica instrumentala sco commembers d'onur da l'UCMG. Ils commembers d'onur èn d'envidar a las radunanzas da delegads ed a las Festas chantunalas da musica.

### III. Organs da l'UCMG

Organs	<b>Artitgel 16</b> Ils organs da l'UCMG èn:  16.1 la radunanza da delegads;  16.2 la suprastanza chantunala;  16.3 il post da revisiun;  16.4 il secretariat
Cumissiuns	<b>Artitgel 17</b> La suprastanza chantunala nominescha las suandantas cumissiuns:  17.1 la cumissiun da musica;  17.2 la cumissiun da giuventetgna;  17.3 ulteriuras cumissiuns tenor basegn.
Radunanza da delegads	<b>Artitgel 18</b> La radunanza da delegads è l'organ suprem da l'UCMG e consista:  18.1 dals delegads dals commembers da l'uniun;  18.2 da la suprastanza chantunala;  18.3 dals commembers d'onur da l'UCMG;  18.4 da la cumissiun da musica;  18.5 da la cumissiun da giuventetgna.
Dretg da votar e d'eleger	<b>Artitgel 19</b> Mintga societad da l'uniun ha il dretg e l'obligaziun da delegar duas personas. Mintga delegà ha mo ina vusch. L'elecziun resp. la delegaziun da las personas delegadas è chausa da las societads da l'uniun. L'indemnisaziun da la delegaziun è chausa da las societads. Ils commembers da la suprastanza, da la cumissiun da musica e da la cumissiun da giuventetgna sco er ils commembers d'onur han mintgamai ina vusch a la radunanza da delegads.
Termin da la	<b>Artitgel 20</b> La radunanza da delegads ordinaria ha lieu en il terz u quart mais da l'onn chalendar.

radunanza da delegads

Radunanzas da delegads extraordinarias vegnan convocadas tenor basegn:

- 20.1 sche la suprastanza chantunala considerescha quai sco necessari;
- 20.2 sch'in terz da las societads da l'uniun pretenda quai.

La dumonda è da drizzar al president chantunal e da motivar cun inditgar las tractandas respectivas.

Cumpetenzza da decider

#### **Artitgel 21**

La radunanza da delegads è cumpetenta da decider senza resguardar il dumber dals votants preschents. Societads da l'uniun betg represchentadas a la radunanza cun agens delegads ston era resguardar las decisiuns da la radunanza da delegads.

Propostas a la Radunanza da Delegads

#### **Artitgel 22**

Propostas da las societads da l'uniun u dals districts da musica a la radunanza da delegads ston vegnir drizzadas al president chantunal fin ils 15 da december da l'onn precedent. Las propostas ston esser formuladas a moda clera ed esser motivadas. Propostas che na correspundan betg a questas pretensiuns na pon betg vegnir tractadas a la proxima radunanza da delegads. Propostas che pertutgan temas tractandads pon adina vegnir inoltradas.

Fatschentas da la radunanza da delegads

#### **Artitgel 23**

Las fatschentas intransferiblas da la radunanza da delegads ordinaria èn:

1. eleger ils dumbravuschs;
2. approvar il protocol da la davosa radunanza da delegads;
3. undrar ils commembers ch'èn morts dapi la davosa radunanza da delegads ordinaria;
4. approvar ils rapports annuals
  - a) dal president chantunal;
  - b) dal president da la cumissiun da musica;
  - c) dal president da la cumissiun da giuventetgna;
  - d) dal sector dals veterans.
5. approvar il quint annual, il rapport dals revisurs e dar distgargia a la suprastanza;
6. approvar il preventiv;
7. eleger il president ed ils ulteriurs commembers da la suprastanza per ina perioda d'uffizi da 2 onns;
8. eleger ils delegads per l'USM per ina durada d'uffizi da 2 onns;
9. eleger ils revisurs u il post da revisiun per ina durada d'uffizi da 2 onns;
10. fixar las contribuziuns a la cassa da l'uniun;
11. surdar l'organisaziun da la Festa chantunala da musica e da la Festa chantunala da musica da giuvenils, resguardond sche pussaivel ils districts da musica en turnus;
12. excluder uniuns da l'UCMG;
13. tractar propostas da la suprastanza, dals districts e da las societads;
14. decider davart il lieu da la proxima radunanza da delegads;
15. far ils engraziements e las undraziuns;
16. Varia e dumondas

Las tractandas nr. 7, 8, 9, 11 e 12 vegnan tractandadas mo en cas da basegn.

Cun mantegnair ils dretgs dals commembers po la radunanza era vegnir realisada en scrit, online u en furma electronica.

#### **Artitgel 24**

Elecciuns e votaziuns Las elecciuns e votaziuns vegnan fatgas cun plimaun, cun excepziun da l'elecziun dal president chantunal, dals ulteriurs commembers da la suprastanza e dal lieu da festa, sch'i dat pliras candidaturas. La radunanza da delegads po era decider per autras fatschentas la votaziun cun scrutini. En l'emprim scrutini decida il pli absolut, en il segund scrutini il pli relativ. En cas da paritad da las vuschs ha il president chantunal la vusch da tagl.

#### **Artitgel 25**

Suprastanza chantunala Sco organ suprem da l'UCMG elegia la radunanza da delegads ina suprastanza che sa cumpona dad almain 3 commembers. La perioda d'uffizi dals commembers da suprastanza dura dus onns. Ina reelecziun è pussaivla. Il president da la cumissiun da musica è a medem temp commember da la suprastanza. Sch'in commember sorta da la suprastanza avant che sia perioda d'uffizi è terminada, fa la radunanza da delegads sequenta in'elecziun substitutiva per il rest dal temp d'uffizi.

#### **Artitgel 26**

Organisaziun da la suprastanza Las activitads, las incumbensas e las cumpetenzas dals commembers da la suprastanza èn fixadas en in reglament d'organisaziun separà respectond las premissas statutaricas. Il consentiment scrit da tut ils commembers per ina proposta è equivalent ad ina decisiun da la suprastanza tratga a chaschun d'ina sesida.

#### **Artitgel 27**

Sedutas La suprastanza chantunala sa raduna tenor basegn sin invit dal president. L'invit en scrit sto succeder almain 14 dis avant la seduta. A medem temp èsi da communitgar la glista da tractandas. La documentaziun necessaria per tractar las tematicas duai per regla arrivar tar ils participants da la seduta almain in'emna avant la data da la seduta. Sedutas pon vegnir fatgas tant da maniera fisica sco era online.

#### **Artitgel 28**

Fatschentas da la suprastanza Las fatschentas ordinarias da la suprastanza èn:

- 28.1 survegliar ch'ils statuts ed ils reglaments vegnian resguardads ed exequids; exequir las decisiuns da la radunanza da delegads; defender ils interess da l'UCMG e da la musica instrumentala;
- 28.2 approvar ils protocols da las sedutas da suprastanza;
- 28.3 recepìr novas societads;
- 28.4 controllar ils registers dals commembers activs da las societads da l'uniun;
- 28.5 tschertgar in lieu per la Festa chantunala da musica e per la Festa chantunala da musica da giuvenils, sch'i na dat naginas candidaturas;
- 28.6 elegier il president da la cumissiun da musica ed ils ulteriurs commembers da la cumissiun;
- 28.7 elegier il president da la cumissiun da giuventetgna e dals ulteriurs commembers da la cumissiun;
- 28.8 elegier ils experts per la Festa chantunala da musica e per la Festa chantunala da musica da giuvenils sin proposta da la cumissiun da musica;

- 28.9 examinar ed approvar il guid, ils concepts relevants ed il plan dals tocs da la Festa chantunala da musica;
- 28.10 scriver il protocol da las tractativas da l'uniun;
- 28.11 far la contabilitad da l'uniun;
- 28.12 undrar ils veterans ed ils veterans d'onur;
- 28.13 s'occupar d'ulteriuras fatschentas surdadas ad ella da la radunanza da delegads u tenor quests statuts.

#### **Artitgel 29**

Indemnisaziun

Per la participaziun a las sedutas han ils commembers da la suprastanza, da la cumissiun da musica e da la cumissiun da giuventetgna il dretg ad ina indemnisaziun da seduta sco er a spensas per la dunsena, per pernottaziuns e per viadis, pajadas or da la cassa da l'uniun.

Las spensas cumprovadas vegnan indemnisadas tenor il reglament da spensas valaivel da l'UCMG. Il quint da spensas è d'inoltrar – senza vegnir intimà – mintga quartal al secretariat.

#### **Artitgel 30**

Suttascripziun giuridicain valaivla

La suttascripziun giuridicain valaivla per l'UCMG ha il president chantunal ensemen cun la direcziun dal secretariat u cun in commember da la suprastanza. En cas d'impediment dal president san suttascriver giuridicain suffizient era dus commembers da la suprastanza.

#### **Artitgel 31**

President chantunal

Il president chantunal maina la radunanza da delegads e las sedutas da la suprastanza sco era las tractativas. A las sedutas da la suprastanza dat el rapport ed orientescha davart las fatschentas ed ils eveniments succedids dapi la davosa seduta. El controllascha che las decisiuns prendidas vegnian exequidas ed è la persuna da contact per autras organisaziuns. Las singulas incumbensas e cumpetenzas s'orienteschan al reglament d'organisaziun.

#### **Artitgel 32**

Vicepresident

En cas d'impediment dal president surpiglia il vicepresident sias incumbensas cun tut ils dretgs e tut las obligaziuns. En pli pon ulteriuras incumbensas vegnir adossadas ad el tenor il reglament d'organisaziun.

#### **Artitgel 33**

Secretariat

Il secretariat sustegna la suprastanza ad ademplir las lavurs administrativas ed organisatoricas tenor las directivas specificas dal president e tenor il reglament d'organisaziun.

#### **Artitgel 34**

Post da revisiun

La radunanza da delegads elegia il post da revisiun per dus onn. Ils revisurs ston examinar il traffic da pajaments ed il quint annual a moda formala sco era materiala e sa persvader che la facultad inditgada è avant maun. Els han da far a temp in rapport ed ina proposta en scrit per mauns da la radunanza da delegads.



## VI. Cumissiuns spezialisadas

Cumissiun da Musica	<p><b>Artitgel 35</b></p> <p>Per ademplir las incumbensas che pertutgan il sector musical elegia la suprastanza da l'UCMG ina cumissiun da musica che consista da tschintg commembers. Quels vegnan tschernids per ina perioda d'uffizi da dus onns.</p>
Constituziun	<p><b>Artitgel 36</b></p> <p>Il president da la cumissiun da musica vegn elegi da la radunanza da delegads. Dal rest sa constituescha la cumissiun da musica sezza. Il president da la cumissiun da musica è a medem temp commember da la suprastanza.</p>
President da la cumissiun da musica	<p><b>Artitgel 37</b></p> <p>Il president da la cumissiun da musica presidescha la cumissiun da musica e maina quella. A las sedutas da la suprastanza rapporta el ed orientescha davart las fatschentas ed ils eveniments dapi la davosa seduta. El surveglia l'execuziun da las decisiuns tratgas areguard la musica ed è la persuna da contact per autras cumissiuns da musica/persunas responsablas per la musica.</p>
Organisaziun da la cumissiun da musica	<p><b>Artitgel 38</b></p> <p>La cumissiun da musica sa raduna tenor basegn sin invit dal president. L'invit en scrit sto suceder almain 14 dis avant la seduta. A medem temp èsi da communitgar la glista da tractandas il president orientescha la suprastanza e la radunanza da delegads davart l'activitad da la cumissiun da musica.</p>
Incumbensas da la cumissiun da musica	<p><b>Artitgel 39</b></p> <p>La cumissiun da musica ha essenzialmain las suandantas incumbensas:</p> <ol style="list-style-type: none"><li>39.1 organisar e tgirar la scolaziun;</li><li>39.2 examinar ils absolvents da curs instrumentals;</li><li>39.3 organisar dietas d'experts;</li><li>39.4 elavurar il reglament per la Festa chantunala da musica per mauns da la suprastanza e da la radunanza da delegads;</li><li>39.5 far propostas per eleger ils experts per la Festa chantunala da musica e per la Festa chantunala da musica da giuvenils;</li><li>39.6 determinar ils tocs da pensum per la Festa chantunala da musica e per la Festa chantunala da musica da giuvenils;</li><li>39.7 determinar ils tocs da musica per las represchentaziuns collectivs a la Festa chantunala da musica ed a la Festa chantunala da musica da giuvenils, sch'ina tala preschentaziun collectiva è planisada.</li><li>39.8 ademplir tut las obligaziuns attribuidas a la cumissiun da musica sin fundament dal reglament da festa;</li><li>39.9 cussegljar las societads da musica en dumondas tecnic-professionals;</li><li>39.10 organisar e realisar ils curs da preparaziun per l'examen professiunal da trumbettist (musica militar).</li></ol> <p>Las decisiuns da la cumissiun da musica en dumondas personalas u cun consequenzas finanzialas ton vegnir approvadas da la suprastanza.</p>

Cumissiu da giuventetgna

**Artitgel 40**  
Per la tgira dad incumbensas specificas da la giuventetgna elegia la suprastanza da l'UCMG ina cumissiu da giuventetgna. La perioda d'uffizi dals commembers da la cumissiu da giuventetgna dura dus onns.

Constituziun

**Artitgel 41**  
Il president da la cumissiu da giuventetgna vegn elegi da la suprastanza. Uschiglio sa constituescha la cumissiu da giuventetgna sezza. Il president da la cumissiu da giuventetgna u in commember da la cumissiu da giuventetgna è al medem temp commember da la suprastanza. L'elecziun en la suprastanza ha da succeder tras la radunanza da delegads.

President da la cumissiu da giuventetgna

**Artitgel 42**  
Il president da la cumissiu da giuventetgna presidescha e maina quella. El surveglia l'execuziun da las decisiuns tratgas areguard la giuventetgna ed è la persuna da contact per autras cumissiuns da giuventetgna/persunas responsablas per la giuventetgna. La represchentaziun en la suprastanza rapporta a chaschun da las sedutas ed orientescha davart las fatschentas ed ils eveniments dapi la davosa seduta.

Organisaziun da la cumissiu da giuventetgna

**Artitgel 43**  
La cumissiu da giuventetgna sa raduna tenor basegn sin invit dal president. L'invit sto succeder en scrit almain 14 dis avant la seduta. Al medem temp sto la glista da tractandas vegnir communitgada. Davart las tractativas e las decisiuns tratgas sto vegnir manà in protocol che è accessibel a la suprastanza.

Incumbensas da la cumissiu da giuventetgna

**Artitgel 44**  
Il sector d'incumbensas da la cumissiu da giuventetgna cumpiglia essenzialmain:

44.1 Promoziun e sustegn da novas fundaziuns da musicas da giuvenils da tut gener;

44.2 Emprim partenari da contact per dumondas da giuventetgna;

44.3 Partenari da contact per il program giuventetgna + musica;

44.4 Tgira da contacts:

- cun scolas da chant e da musica en il Grischun;
- cun las musicas da giuvenils grischunas;
- cun/en las gruppas da lavur e responsabels per la musica da giuventetgna dad auters chantuns;
- cun L'Uniu svizra da musica da giuvenils;

44.5 Coordinaziun da las purschidas per musicants giuvenils;

44.6 Examinaziun e promoziun da la realisaziun da projects;

44.7 Contact cun ed eventual sustegn da la JBBG e dal JBOG;

44.8 Realisaziun da tut las obligaziuns che vegnan assignadas a la cumissiu da giuventetgna tras il reglament da festa da la Festa chantunala da musica da giuvenils;

44.9 Cussegliaziun da las societads da musica en dumondas tecnicas;

Las decisiuns da la cumissiu da giuventetgna en dumondas personalas u cun consequenzas finanzialas suttastattan a l'approvaziun da la suprastanza.

## V. Festas chantunalas da musica

**Artitgel 45**  
Festa chantunala da musica La realisaziun d'ina Festa chantunala da musica vegn surdada ad ina societad che organisescha quella en collavuraziun cun la suprastanza e la cumissiun da musica tenor il reglament da festa (aspects musicals) e cunvegnas da prestaziun/cunvegnas (aspects organisatorics e commercials) e ch'è responsabla per l'andament da quella.

**Artitgel 46**  
Restricziun Ils onns, en ils quals ha lieu la Festa chantunala da musica, na dastgan vegnir organisadas naginas festas districtualas.

**Artitgel 47**  
Onuraris d'experts Ils onuraris, ils custs per rediger ils rapports e l'indemnisaziun da viadi dals experts sco er ils custs per publictar ils rapports dals experts tenor l'onurari da l'USM van a quint da la cassa da l'UCMG.

## VI. Finanzas

**Artitgel 48**  
Finanzas Las entradas da l'UCMG consistan:

- 48.1 d'ina contribuziun annuala pro commember activ dals commembers da l'uniun;
- 48.2 dal tschains da spargn da la facultad;
- 48.3 da las subvenziuns e da las garantias da deficit;
- 48.4 da las ulteriuras contribuziuns eventualmain decididas da la radunanza da delegads;
- 48.5 den anderen allfällig von der DV beschlossenen Beiträgen;
- 48.6 da contribuziuns da sponsurs;
- 48.7 da contribuziuns da las Festas chantunalas da musica e da las Festas chantunalas da musica da giuvenils tenor cunvegna da prestaziun/cunvegna;
- 48.8 da contribuziuns extraordinarias da las societads.

**Artitgel 49**  
Suveranidad finanziaia Las contribuziuns da l'USM e da la SUIA vegnan incassadas da l'uniun chantunala ed assegnadas a las organisaziuns correspondentas.

**Artitgel 50**  
Expensas Las expensas da l'UCMG sa resultan cun ademplir sias incumbensas. Quellas cumpiglian:

- 50.1 ils custs dal secretariat;
- 50.2 las indemnisaziuns per sedutas e spensas per ils commembers da la suprastanza, da la cumissiun da musica, da la cumissiun da giuventetgna e per ils delegads da l'USM;
- 50.3 ils custs per stampats e material da biro;
- 50.4 eventualas contribuziuns a curs da dirigents e curs instrumentals;
- 50.5 custs per dietas d'experts, etc..

## VII. La bandiera chantunala

Bandiera chantunala / bandierel	<b>Artitgel 51</b> L'UCMG posseda ina bandiera chantunala sco simbol da l'appartegnientscha. Quella vegn tegnida en salv en in lieu segir mintgamai da la societad da musica che ha organisà la davosa Festa chantunala da musica. Questa societad elegia er en ses ravugl il bandierel chantunal sco er in substitut che ademplescha sia obligaziun tenor las directivas dal president chantunal. En cas giustificgads pon ins differir da questa regla.
---------------------------------	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

## VIII. Archiv

Archiv	<b>Artitgel 52</b> Per pudair tegnair en salv a moda ordinada actas e materialias degnas da vegnir mantegnidas, maina l'UCMG in archiv. Quel vegn tgiraus dal secretariat. Documents impurtants da l'uniun sa chattan en l'Archiv chantunal dal Grischun.
--------	--------------------------------------------------------------------------------------------------------------------------------------------------------------------------------------------------------------------------------------------------------------

## IX. Revisiun dals statuts

Revisiun dals statuts	<b>Artitgel 53</b> Propostas da reveder ils statuts parzialmain u dal tutfatg èn da drizzar fin ils 15 da december'' da l'onn precedent cun ina motivaziun al president chantunal. La decisiun da reveder ils statuts pretenda ina maiortad da dus terzs dals votants preschents. Areguard ils singuls artigels ed er en la votaziun finala decida il pli absolut da las vuschs valaivlas.
-----------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

## X. Dissoluziun da l'uniun

Dissoluziun	<b>Artitgel 54</b> Davart la dissoluziun da l'UCMG decida la radunanza da delegads. Per pudair decider ston esser preschents trais quarts da tut ils votants. La dissoluziun sto vegnir approvada cun ina maiortad da trais quarts dals votants preschents.
-------------	----------------------------------------------------------------------------------------------------------------------------------------------------------------------------------------------------------------------------------------------------------------

Sche la preschientscha a la radunanza da delegads na tanscha betg, èsi da far suentar il pli tard tschintg emnas ina segunda radunanza ch'è cumpetenta da decider senza resguardar la preschientscha. La decisiun da dissolver l'uniun sto vegnir prendida cun ina maiortad da trais quarts dals votants preschents. Sch'i na vegn fundada nagina nova uniun entaifer diesch onns, va la facultad en possess da l'USM.

## XI. Disposiziuns finalas

Linguas, interpretaziun	<b>Artitgel 55</b> Ils statuts da l'UCMG vegnan redigids en rumantsch, tudestg e talian.  En cas da dubi è decisiva la versiun tudestga dals statuts.  Ils reglaments e protocols vegnan redigids mo en lingua tudestga.
-------------------------	-----------------------------------------------------------------------------------------------------------------------------------------------------------------------------------------------------------------------------------------

Entrada en vigor	<b>Artitgel 56</b> Quests statuts entran en vigor immediat suentar che la radunanza da delegads ha approvà els. Els remplazzan ils statuts approvads a la radunanza da delegads dals 8 d'avrigl 2017 a Savognin.
------------------	---------------------------------------------------------------------------------------------------------------------------------------------------------------------------------------------------------------------

GRAUBÜNDNER KANTONALER MUSIKVERBAND  
FEDERAZIONE BANDISTICA GRIGIONESE  
UNIUN CHANTUNALA DA MUSICA DAL GRISCHUN

per la suprastanza chantunala

per il secretariat

Andy Kollegger  
president

Yvonne Rauch  
manadra dal secretariat